

РУССКИ НОВИНИ

ЗА РУСИНОХ У КРАЛЪОВИНИ СХС



Виходза раз у тижню.
 Цена на цали рок 100 Динари.
 На ½ рока 50 Динари.
 За Америку 4 долари на рок
 Рукописи и други писма треба
 послаца на адресу:
 „РУСКИ НОВИНИ“ НОВИ САД
 Бојовићева улица број 2.
 Претплату на РУСКЕ-НАРОДНЕ
 ПРОСВИТНЕ ДРУЖТВО, РУСКИ
 КРСТУР (Бачка).

Рок IV.

Нови Сад, пятък 21. януар 1927.

Ч. 3. (110.)

Професор Др. Перич о церкви католическей

Др. Живон Перич ест професор универзитету у Београду а вери православней. Тот учени человек пише у немецких новинах „Allgem. Tiroler Anzeiger“ Innsbruck и по тим у писму на Люблянски састанак 1925. слѣдующе:

„Уж сом вецейраз мал прилики, да признам надмоч католицкей церкви над нашу восточно-православну. — Тота ей надмоч стої у тим, же вона „опца, наднародна“. Вона стої над народами, над державами, и прето вецей отповеда християнскої идеї — католицизму — всеопченитосци. Вона управо прето, же не роби рижницю медзи поединима людзми, народами и племенами, баржей отвитує тей идеї як наша восточно-православна церква. Восточно-православна церква нема ані хиерархийского, ані уставного единства, и вона ше пре то вяже з поединима державами и народами, там, дзе тото единство постої.

Национални значай восточно-православней церкви ест зошицким проживни зос значайком християнскої идеї, а то мне

як припадника православней церкви вше барз болело. Прето православна церква не представля тоту моралну силу яку ма церква католицка, и вона не може робиц за идею братства и мира на цалим швецѣ так як роби церква католицка. З огляду, на нашу християнску культуру була би страшна чкода, кед би ше гоч з хторей страни ишло за тим, да ше розбива единство и соборносц католицкей церкви.

Я вше будзем против того, да ше слаби наймоцнейша и найупливицейша християнска — церква католицка. Уж перши роздор бул таки страшни пре человечество. Треба нам ше врациц временем, кед була една и една католицка церква“. — Так гуторя и пишу мудри людзе.

Подобно пише и други университетски професор у Београду др. Радован Казимирович у „Воли“ — 1926. рок, число 5.

Дал би то добри Бог, да чим скорей придзе тот час, кед будзе на цалим швецѣ „Едино стадо и един пастир“.

раз нїгдзе у Войводини не видзел. Присутни були 3000 людзе. Поволал шицких поштених людзох най, гласаю против корупциї. Поштени людзе па и наш народ послуха глас Люби Давидовича.

ПРЕСЛАВА ЧЕРВЕНОГО КРЕСТА

Як каждого так и того року дружество „Червеного Креста дума преславиц на 6 фебруара свой дзень. Теда ше буду зберац милодари по цалей жеми.

СМЕРТ ВЕЛЬКОГО УЧЕНЬКА

Тих дньох умар у Београду вельки ученяк Йован Цви҃ч, Вон написал вельо книжкох земльописного содержания, од котрих найважнейша: Земльопис балканского полуострова. Београд 1922. року.

КРАЛЬ — КУМ

Його Велич. Краль приял ше да будзе кум седмом хлапцови едней муслиманскей фамилии у Босни.

КЕЛЬО НАШИХ ШМЕ ПОЙСЦ ДО АМЕРИКИ

За тот рок америцка влада одредзела, же зос нашей держави шлебодно 777 людзом уселиц ше до Америки. Влонї було лем за 671. дошлебодзено.

СЦЕКОЛ БУВШИ КОМУНИСТ. ПОСЛАНИК

Бувши комунистички посланик Новакович, котри одсудзени на 5 роки цемници а находзел ше у шпиталю сцекол. До тєраз не влапени.

НАША ТАРГОВИНА З ИТАЛИЮ

У послїдни часи обачує ше, же наша тарговина зос Италию вше слабша. Док скорей стала на першим месце, тєраз є на трецим. Перше место завжала Ческа, бо зос ней увожує ше 20 проценти шицкого цо требаме. Друге

место ма Австрия зос 14% а треце Италия зос 12%. Талияне ше гнїваю, чом то так, а не сцу припознац, же вони виновати а заслужели би, да ше их цалком бойкотує.

ШПАЊОЛСКА ХОРОТА ПРИ НАС

Нашо новини явели, же у Европи поновно панує опасна натха, котра ше звичайно вола шпаньолска хорота. У послїдни часи водна ше зявела уж у вецей случайох и у нашей держави. У Београду вецей хорих на шпаньолку, але смертельных случайох нет. Сама хорота не опасна, кед ше человек такой личи, але вшелїяки компликациї як зашлїсис плюцох и т. д су причина смерти.

ЗЛОДІЙСТВА У НОВИМ САДУ

Уж даскельо днї цо ше являю плячки мирних жительох у Новим Саду и околини. Едней панї витаргнул злодїй ручну торбичку у котрей було 22.000 дин. А едного человека на футошким друму наоружани збойник до гола зоблекол. Полиция дума же постої една организована банда, котрей уж на шлїду.

ВИВОЖОВАНЕ ХМЕЛЮ

У мешацу новембру вивезло ше 674 тони хмелю зос нашей держави у вредносци од 46 милиони динари, у октобру 1123 тони. Вредносц до тєраз преданого хмелю до иноземства виношує 185 мил. дин.

ИСТОЧНИК ВИТРИОНУ

У околини валалу Рожан появели ше знаки, же би там могли буц источники витриону. Министерия одредзеле кредит од 700 тисячи дин. на тоту цель, да ше источники одкрию.

У нашом отечеству

ПОЛИТИЧЕСКЕ ПОЛОЖЕНИЕ

Цали политически живот круци ше коло обласних виберанкох. Народни посланици отримую по цалей жеми збори. Так министар Максимович отримал збор у Београду, Трифкович и Давидович у Сомборе, Прибичевич у Загребу а Радич ше блука по Далмациї, да прицагне присташих, котри го огабляю. Од шицких бешедох, цо их

тримали требазначниц бешеду председателя парламента Марка Трифковича, котри дал знац, же нова политическа комбинация муши буц без радичевцох. Очекує ше, же тєразшня влада Узуновича по виберанкох накеди ше зийдзе парламент спадне а нову владу состави М. Трифкович. В стреду тримал Ль. Давидович ише збор у Новим Саду, яки ше до тє-

Памук

Зайдз лем нешка до рускей хижи, думаш, же ши зашол до даякей не велькей фабрики. Снеш шеднуц, але не маш ані дзе, бо шицка хижка випольнена зос кроснами. Ту ше дурка зос бардом. Там гурчи шпунляр зос цивкама. Там видзиш дїда дзе обраца кожелец. При облаку видзиш дзвук, дзе рихта памук, сука з нього цивки. Шицка хижка у руху та велькей роботы. Так то у нас!

Но, дзегод лем зайдзеш, гоч и до найхудобнейшей хижи, зобачиш при тканю памук. Без памука нешка Рускиня, готово ані не тка. Памук у нас уж ше так удомел, же без нього не мож ані буц. Та памук, уж позна и мале дзедко. Но не лем у нас познати, але по швецце памук барс розширена и од давна в познати.

Но саме походзене памука велім не познате. Вельім не познате як ше доходзи до чистого памука, цо го видзиме кажди дзень.

Памук в рослина и то восточна, цо ю принесли до Европи перши Авани и удомела ше перше у Шпаньолскей. Отадз ше розширела до Сицилии, до Италии та Греческей. У Америки росла друга файта того памука. У Европи почали садзиц 1680 року. Пробовали садзиц и у хорвацкей, але не поднес тот край. Памук в вецей файти. — Найславнейши в: бильний памук (*Gossypium perbaceum*), котри рошне як дrevко зос конарками на еден метер високо. Барс в осетливи на жиму та може витримац лем вельку горучаву — у цеплих крайох. Лїсце му як би длань розширене, а квецце обично жовкаве, а на дну червенкаве. Зос квецца ше розвива плод у форми вайца у велькосци едного ореха. Тот плод ше сам рознука кед дозреє и то на три часци. Тота главка того плода ма у себе полно дробного нашеня, а кажде на-

шене обросло длуговастим мохом, а тот мох, тота фина волна в то, цо ми воламе памук.

Кед плод дозреє, тот мох, тота волна на нашеню ше розшири, и од того главка пука, а памук ше циска вонка. При едней файти в памук били, а при другей жовти.

Други род памука в: дrevкови памук (*Gossypium arboreum*) нарощне од 5—7 метри. Того квецце в ружичасте, а памук били. Рошне лем у Египту. Памук в слабши як у першей файти т. в як бильний памук, а захтева вельо цеплейшого краю як бильни памук.

Американски памук в дrevковий памук. Памук му жовти и били, вон в фини и гадвацни якби Индийски памук. Садза го у Америки, Азиї и Африки. Памук люби горучаву, писоку и суху жем. Барз люби морски край. Дижд му чкодзи, кед ше плод отвера, бо од нього памук плешнее и гнїе, та може так препаднуц и пала берба.

У южней Европи садзи ше у априлу и маю. Беру го у мѣшацу септембру и октобру. Садзи ше до шорох як кед ше садзи у нас кукурица. Кед виросне памук до пол метра, верх ше одламе, да ше може розгранїц и да ма вецей квецца и плода. Вибера ше зос руку, кед плод розпукне, суши ше, та зос машинами нашенє одзеля од памука. Нашенє в масне, та не шме остац длужей зос памуком, бо би го погубело. Очисцени памук добре ше сцишне, до граматкох звяже, та ше так посла у тарговину.

Памук ткали перше лем Индиянци аж у 13 столїтїю почали Шпаньолци. Англезини почали ткац у 16-стим, а винашли машини за тканє памука у 18-тим. Тераз роби у памучних фабриках у Англескей лем 1 милион и 500 езри души. Но ипак найфиньше предумамук сами Индиянци, зато и их памук — як памук индийски найславнейши. Й. Провчи

ШИРОМ ШВЕТА

Ирска

ОДЛИКОВАНЕ ПРЕЗИДЕНТА

Президентом шлебодней Ирской держави виименовани Вилиям Гозграве. Того человека тих днѣох виименовал университет у Кембриджу за почетного доктова. Гозграве познати як еден од найвекших бойовних за шлебоду своего народа и своей держави. Вон не устрашши вожд Ирских католикох. Його именоване за доктова на старим англицким унївезитету шведочї лем тельо, як и процивиї Англезини високо ценя роботу вожда ирских католикох.

Вельки ше людзе нїгда и нїгде не ганбя своей виру; вше и вшадзи явни и шмело исповидаю. Робме и ми так!

Америка

120 КОРАБЛІ У ЛЯДУ

Як пишу Американски новини 120 кораблі затримал ляд у каналах рики св. Марїї коло Су Ст. Мери Мили. Кораблї ше не можу ані рушиц. На кораблях було до 2000 людзох. Непогода и нагла жима заочели кораблї у каналах. И кед не приїду скоро валови целлоти, то ше може притрафиц, же кораблї буду чекац там аж до яри. Два кораблї здробел ляд. А то ше може и другим догодзиц.

Италия

КРИЖ — ПРЕ КРИЛАТИЦИ

На гори Етни, котра висока 3313 метри, поставляю високи криж, котри ма рошвицовац на далеко и широко Стредоземске морїо и указавац драгу крилатичаром.

У Шпаньолскей уж було подобне. На памятку крилатичара Францова бул подзвигнути

350 метри високи криж на гори Siete Picos (2204 метри високей) Крилатичари жадаю подзвигнуц под тим крижом ище и манастир, у котрим бимонахи далеко од швета величали Бога и модлели ше за цесце и Божи благослов пре крилатичарох.

Австрия

МОНАХ ЧИНА СВ. ВЕНЕДИКТА ИНЖИНИРОМ

На универзитету у Видню — Бечу недавно посцил чесц доктова зос инжинїрства лесничого манах св. Венедикта О. Енгелгард з манастира Кремсмистерского. Вон написал и видал вельо учени кнїшки на основи своего искусства и учения о лесох.

Япаниа

ГИРОГИТО НОВИ ЯПАНСКИ ЦАР

Нови Япански Цар Гирогито, котри наступел на престол по своему покойному отцови, вжал себе мѣно „Шова“, цо знаменує „Просвищени миром“. Тото вон себе мѣно вибрал при славносних обрядах корунования.

Франция

ЛИГА ФРАНЦУСКИХ КАТОЛІКОХ

у двох рокох досягла красне число од 2,500 000 членох. Та лига вжала себе за задачу, да бранї од безвирного французского правительства католицки школи и институти. Нашо читателе муша знац, же у франциї не було у парламенту чистей католицкей партїи Католики були до тераз рострешени по шицких партїях. И управо прето католици не могли нїч получиц од французскей безбож-

ФЕЛЬТОН

Илько Крайцар, Загреб:

Даскельо слова о Канади

Жем ше обрабя на наймодернейши способ, зос вшелїякими машинами, и прето еден фармер обрабя по 100 до 200 ютра. Розуми ше, же му гу работи и гу машином треба работникох, па ту на фармох знаходза роботу велї земледїлци работници. Вжimme, кед на фарми нет тельо работи, робя велї у лесох и фабриках, котри вирубую древо. Велї су на работи коло будованя обичних и железничних драгох, котри ше вше далей и вецей будує.

Западна часц Канади (Бритиш Колумбия) то жем горовита, полна зос вшелїякими минералами и рудами. Ту ест вельки копальни

и лїварни. (Гранїчи зос Аласку, познату „жемун злата“.) Робота ту найчезша, але и плаца найлѣпша. Не препоруча ше ипак, особено тим, котри ю одскорей не робели.

По войны настали у шицких державох чежки господарски кризи. Прето ше народ почал заш у вельким числу висельовац. Зединени Держави ограничили свою имиграцию, же би ше так очували од велького числа презработних. Почало ше теди у вельким числу висельовац до Южней Америки (Бразилиї и Аргентини). Компаниї и агенти плацели и драгу, але хто пошол постал їх роб. Горучава, нездрава клима и хороти ище вецей убиваю там емигрантох. Остала дакле за висельованє ище Канада. И наисце — ту ше европски человек найскорей и найлѣгчейше змесцел и приучел. Клима там подоб-

на европскей у сиверних крайох (Польска, Украина, Русия). Жем добра и плодovита, бо ище не вихаснована. Прето се од даскельо рокох почала Канада баржей насельовац. Бригу о тим водзи сама влада, отдзелене за колонизацию. Прето же у фабриках и майданох ест довольне число работникох, дозволенє усельованє лем земледїлцом. Найрадше примаю ше земледїлски фамелиї, котри ше населюю на фармох. Жем им ше дава на сплату. Обично добиваю по часци обробену жем. Хто ма досц пенѣжи, же би себе купиц жем и цо потребно за обрабянє, може себе виберац дзе сце, дакле и там дзе уж зошицким обробена жем.

Жем иншак барс туня, уж према месце и квалитети кошта 12 до 25 долари ютро. Окrem земледїлским фамелиям дозво-

ленє усельованє и земледїлским работником, котри недумаю там навше остац. Але их ше пуца лем у числу, кельо их потребно. Фармере приявляю, кельо требаю работникох, и вецше дава дозвола паробродарским агенциям, да превежу тельо земледїлцох. Земледїлци, котри знаю читац и обяжу ше, же буду робиц на фарми, доставаю гаранциї, же у Канади достаню дораз роботу. Дабоме, нїхто не муши остац у едного газди и на едним месце, але себе шлебодно гледа роботу дзе сце. Гоч би по пропису требали робиц на фарми, ипак велї гледаю работи у фабриках, дзе лѣпша плаца и мож вецей ушпоровац. На фарми доставаю работници шицко цо им треба за живот (стан, кост, облечиво) и илацу: 30, 40 па и 50 долари мешачно. Еден Хорват цо пошол в леце, пи-

ней влади гоч по закону маю на шицко право, бо найвекша часц французох прападаю католицкей вири. Жидзи, котри нет у французкей ані еден миллион, а так исто и протестанти, кальвинне и вшеліяки безвирци доставали, цо лем сцели, бо їх безбожна влада поднерала.

По велькей свитскей войни започали и католици буц розумнейши. Вони аж тєраз започали организовац свою католицку странку. На чолє тей странки стої ревни и отворени католик, генерал Кастелно. Гоч ше министри на нього барз гнїваю, вон свою роботу роби, бо зна, же добре роби пре своій народ и пре свою державу.

Зос наших валалох

Р. Керестур

ПРЕДСТАВЛЕНЕ НА КРАЧУН

На 2 и 3 дзєнь крачуна представляли школяре пятаей и шестей класи основней школи у гостилници Н. Папуга, собития, котри ше случели за народзєня Христового.

Ствар, котра ма тельо вельо радосци за дзєциньски шерца, була представена зос дзєциньску радосцу и дзєциньску славу.

Собития були представени у трох сликох. У першей хлапци пооблекани до стародавних ругох, у жидовских калапох, дзивчата у стародавней ношинї споминаю Христа, котри ше ма родзиц шицким на спасєнє. У другей слики Осиф и Мария з малим дзєцком и ангели; у трецей поклон ангелох и пастирох.

Текст зложел и дзєци за представу пригатовел у-

Тота лига през два роки, откеди обстої, превельо добра остварела, а ище вецей зла препречела.

Велька у тим наука пре кажди народ.

Швицарска

НОВИ ПРЕЗИДЕНТ

За президента републики уж по трецираз избрани Мотта. Пан Мотта всг практичним католиком и вельки роботник у католицких организациях у Швайцарскей. Мотта ма шєсцєро дзєци котри виховує у найкразним духу побожносци.

читель п. Михаїл Няради зос припомоцу и других учашникох.

Представленє було провадзєне зос крачунским шпивом и зос граньом на гармонию.

У главним мож приготовєнє похвалїц особено труд за науку у шпивану и старанє за обљєчиво представлячох, но добре би було, кед би зме у будуще добили яки таки програм од представлєня Исто так би любели чуц даєдну писню меней познату и т. д.

Вшелїяк треба похвалїц, же ше на таки празник настояло дзєцом приготовиц таку радосц, и же ше у дзєцох возбуждєла воля и любов за представленє, цо най будзє приклад и за други нашо валали. В.

Дюрдьов

СТАТИСТИКА

У 1926. р. було у Дюр-

дьове родзєних 83, винчани пари 28, усопних 44.

ЗА Р. Н. П. Д.

На перши дзєнь крачуна нозберало ше у цєркви за Р. Н. П. П. 467 дин.

За утемелїтельного члена II. кл. явели ше: 1) Иля Провчи Габрова, 2) Кирил Шарик. Най им Госнод Бог награdzi!

ХОРВАТСКИ НОВИНИ О НАШИХ МИСИЙОХ

Хорватски новини тиж принєсли опширни опис о св. мисийох, хтори ше отримовали у наших парохийох. Особито похвално пишу о дїйствию св. послания у Дюрдьове и хваля тоту младу парохию, хтора барз напредним крочаєм крочи єднак о бок з першима руским парохиями у Бачкей, и хтора указує барз красни плоди и єще лепшу будуцносц. Споминаю о тим як ше у шицким видзел красни шор и порядкованє а особито хваля шор при оправадзєню преосв. Владики и оо. мисионарох, о чим идзе заслуга цєрк. одбору. Напоминаю и то, же ше цєрк. одборник Петро Олєар пред цєркву у мєно общєства и народа зос красну бєшєду одпитал од милих госцох, цо ше госцом барз пачєло.

Пишу и о мисийох у Новим Саду и Ст. Вєрбаше, на хторих вельо учасци

вжали и нашо людзє зос Коцура и Керестура.

Мило нам чуц, же и други народи о нами так крашнє и похвално пишу.

Петровци

ЗАБАВА

На други и треци дзєнь Крачуна приредзєло нашо просвитнє дружтво (дилетантска и шпивацка секция) забаву, хтора була добре нащивєна. Мишани збор одшпивал писню „Дївчє в синєх стояло“ а хлопски збор „Як умру.“ Потим ше давал игроказ „На силу доктор“. Главну ролу „доктора“ одлично бавєл п. Михал Югас. Крем нього бавєли ище: Михал Олєар, Янко и Антонь Гирйовати, Петро и Андри Югас, Осиф Барна мл., Михал Пап Дюрдєс и Михал Дїтко. — Забава добре випадла, па нашому просв. дружтву гратулираме и поручуєме: лєм шмєло напредок за добру ствар.

ЧИТАЛЬНА

Од крачуна отворєло нашо просв. дружтво у „Руским просв. доме“ читальню, дзє ше найду нашо „Руски Новини“ па загрєбски и бєоградски новини.

Просвитнє дружтво шумнє напредує, па ше у нїм шицки можеме цєшиц. За члена може ступиц кажди Русин и Рускиня. За упис ше плаци 8 Дин., а членарина на мешац виноши 5 Динара.

Читайце „Руски Новини“

сал ми, же ше поєднал у газди на цали рок за 500 дол. Дзєпоєдни робя на дзєнь (у вельких роботох) и тєди маю по три до штири долари на дзєнь. Алє су вєц в жимє през работи лебо робя у лесох и фабрикох. У фабрикох така плаца як и у Соединєних Державох: 4 до 5 долари на дзєнь. Може ше дакле заробиц и ушпоровац. Акє треба вжац роботу, яку даю, а не виберац, бо кед человек през работи, тєди не лєм же нїч не служи, алє и вецєй троши. Фабрики єст найвєцєй у покраїнох Квибек и Онтарио, и там уж єст досц нашого швєга, а там ше змєсцєли и тоти нашо Русини цо пошли того року. Силвєстєр Няради вєс Коцура писал, же ма 4 долари, и уж по двох мешацох послал дому 100 долари. Ту дакле за наших хлопох найлєпша прилика для за-

робку. Пред три мешаца вишол у „Руских Новиних“ допис од Берци Бєсєрминя, котри там роби, па и вон так пише, же хто сцє робиц може там заробиц и ушпоровац. Преосвящєни владика кед писал о Канади, думал на тих, цо ше сєля з фамелию през довольних средствийох па их вєц агєнти вихасцюю. Алє кед сом му приповєдал о тєй ствари, и як тоги, цо пошли того року, достали дораз добру роботу, одобрєл и сам тото, и то зос препоруку, да ше нашо людзє тримаю цо вецєй у громади, и да не забуваю свою виру и народносц. Хто дакле ма дзєку путовац на заробок до Канади, найлєпше да идзє там робиц у фабрикох. Найлєпше, кед ма уж дакого свойого лебо познатого па да идзє дораз на мєсто. Лєм же то не мож иншак, алє на тот способ як и други: зос

гаранцию друштва, хторє ма дозволи за землєдїлох. През гаранциї не мож ані пасош достац. Кед человек раз ступи на канадску жєм тєди є шлєбодни, па лебо идзє на фарму дзє му одредза лебо сєбє сам глєда роботу. Хто ма уж дакого свойого, идзє просто гу ньому, так як пошол в лєцє Дюра Такач зос Дюрдьова просто до Вєланду гу свойому шовгрови. Нипошто ше не препоруча крадом прєйсц до Соединєних Державох, бо їх полиция барз на то меркує и кого влапи, осудзи го на затвор, одбєра му шицки документи и пєнєж и пошлє го назад до старого краю. Таки не достанє вецєй дозволи ані до Канади.

Як сам уж напредз спомнул, пишем тоти шорики пре тих, котри можебуц думаю путовац там, а сцєли би дакус вецєй знац, цо их там чєка. Як писал

у гєвтим допису Берци Бєсєрменї, же нїкого ше не одбива, так и я нїкого не нагварям ані не одгварям. Кажди є коваль свойого щєсца. А бизовно же тот, хто мало бистрейши и спрєтнєйши прєйдзє лєпше, як гєвтот, хтори ше не зна обрациц и лєм чєка цо придзє. Тим котри уж надумали путовац, препоручам, да ше цо скорєй остаєраю за гарантни писма так да можу дораз з яри путовац. Як сом прєшлого лєта давал нашим людзєм информациї и ишол им на помєц, так исто зробим и надалєй. Хто сцє даяку пораду, лебо гарантнє писмо, най ми пише на атрєс: Ilija Krajcar, advokat, pripravnik, Zagreb, Ribnjak 12. II. kat, и я найприправнєйше каждому дам упути у тєй ствари.

Загрєб, 23. XII. 1926.

На фонд Руских Новинок

На фонд наших новинок назберало ше у нашого приятеля пана Николая Торми зос Шиду з нагоди його именительного дня сума од 150 Дин. Исто так даровали на фонд п. Ефрем Колесар, Р. Керестур, 100 д. Друштво св. Кирила и Методия у

Керестуре 100 д. П. Симон Лендер, касир зос Гибарцу 100 д. З нагоди кресченых у п. учителя Дюра Рамача у Беркасове. На исту циль даровали ище п.п. Дюра Колесар и гдова Ана Колесар Р. Керестур по 100 д. Просвитне друштво сердечно дзекуе шицким приложником и дарователюм. На многая!

ані крочай гу Богу, бо не покаяност, то гордосц, свойство дявола, а покаяност — смиреносц — то чеснота божих дзецох, цо вяже чловека з Богом. Кажди грех ма у себе нижи — не послушносци — а каждая чеснота и добре діло ма у себе смиреносци т. е. покаяннн.

Исус мержи грех, бо каждый грех гордосц — буна — против Бога, прето и наказуе покаяннн, да ше понїжа и пожалю пред Богом, а то Исус любн, бо то найвекши — справедлнви украс нашей души и знак синок божих.

Зос тоту дакле божанску науку започина Исус своєю апостолске дійствоване у роду чловеческим, бо без покаянннн даремна би була каждая Исусова наука.

Исус мержи грех — то правда — але любн гришника, бо пре нього и пришол на тот швет.

Вон гледал гришних, научовал их, бул з нїма у друштиве, отиуцал им найвекши грех, молдел ше за нїх, бранел их, плакал пре нїх и за нїх и над нїма, з гришником бул прибитн на крнж и напокон за гришнн-

кох умар — а то шицко лем пре єдну — єдину причину, да ше покаю и понїжа пред Оцем своїм небеским, бо кед то не поробя, даремна його пала наука — даремна иста шмерц на крнжу, бо без каяннн нет спасенн. М. Мудри

Тарговина

Жито	295.— Д
Кукурица	126.— „
Хмель	10—11.000 „
Мука нулерова	.426.— „
„ хлєбова	420.— „
Млеко лнтра	3—4.— „
Качки	35—60.— „
Гуски кљокани кг.	65—90.— „
Говедзина	16—20.— „
Швиньске месо	10—22.— „
Целечина	28—30.— „
Сланїна сушена	22—25.— „

ЧИТАЙЦЕ „РУСКИ НОВИНИ“

Вшелїячина

НЕ УДАЛО ШЕ МУ

Яки ище дуракох на швецє, указує слїдующе: У Варшави у Полскеї прелїгнул ложку и умар 30 рочни кравец (шнайдер) Гафтарчик. Вон ше ставел, же прелїгне ложку. И на ище прелїгнул але о даскельо днї чежко ше похорел и треба го було оперирац. Операция пришла не скоро и человек умар.

ЖЕРТВА ВРАЧАРКОХ

У валале Петшейов хоровала за длуґши часн єдна млада жена и немогуци виздравицздала ше на врачарки. Позната врачарка у валале пришла у покладла младеї жени жимни облоги зос якушик траву. Жена так твардо заспала, же ше два днї не могла пеебудзиц. Людзе думали, же умерла та ю поховали. Але родителе младеї жени не могли себе найсц мира и ствар приявели полициї. Пришла комесия, и одкопала гроб и отворела труну.

Але кед було страшно видзиц: жену нашили преврацену зос одкусанима пальцани и зос роздартима шматами. Нецешлїву жену живу поховали и во гробе нашла страшну смерт. Народ би уж раз требал да придзе гу розуму, и да ше неда спреведац од кояких бабох.

ВАРОШ БЕЗ МУКИ

У америцкеї держави Юта варош Канаб барз дадеко од железници, бо найблїзша станица далеко 100 милї. Прето часто ше догодзи, же остане без муки. Педавно вираховали, же би найлєпше и найтуньше було муку лифєровац у малих поштових пакетох як на коньох.

МОСТ ЗА 6 ГОДЗИНИ

У талиянским варошу Ферари на рики Ремо, збудовали вельки железни мост длуґи 152 метери а чежки 1000 тони. Будованє тирвало шицко го 6 годзини.

Шветочни отпочивок

Недз. по просвещению

ЕВАНГ. МАТ. ГЛ. 4. ЗАЧ. 8.

Во время оно, слышавъ Исусъ, яко Іоаннъ преданъ бысть, отиде въ Галїлею. И оставль Назаретъ, пришедъ вселися въ Капернаумъ въ поморїе, въ предѣлѣхъ забулоньхъ и Неѳалимьхъ. Да сбудется реченное Ісаїемъ пророкомъ глаголющимъ: земля Завулоня, и земля Неѳалимля, путь моря объ онъ полъ Іордана, Галїлея языкъ, людїе сѣдящїи въ тмѣ, видѣша свѣтъ велїи: и сѣдящимъ въ странѣ и сѣни смертїи, свѣтъ возсїя имъ. Отолъ начатъ Исусъ проповѣдати и глаголати: Покайтесь, приближи ся бо царство небесное.

Як видземе нѣшка зос св. Евангелїи, Исус започина свою спасительску службу зос наказованьом о покаяннн. „Покайтесь приближи ся бо царствнє божнє.“ Покаянннє є даклем начаток спасенн. Праве покаянннє ше состої у понїженю и сми-

реню пред Богом, а то длуґен робиц каждый человек, бо є воистину пред Богом и гришнн и биднн и маленки. Покаянннє шлєбодзи человека од першого, найвекшого — од жридла шицких грихох — од гордосци и нижи, и украсує го зос першу, за спасене найпотребнейшу чесноту — а то є смиреносц, понїзносц.

Видземе зос св. Писма, же пиха Евова и Адамова, пиха Луциферова, була прокляство за людзох и ангелох, а так є и нѣшка медзи людзми.

З другой страни видземе зос св. Писания, же понїженє и смиреносц дзвига найвише человека гу Богу. Тоту чесноту спомина и возвишує сама Пречиста Дїва Мария у своїй благодарней писнї: „Величит душа моя Господѣ,“ кед гутори: „се бо призри на смирение раби своєя“, т. е. Богу ше найбаржей пачела Мариїна смиреносц и понїзносц. То єто, захтева Бог од каждой души, як слухаме од Христа: покайтесь. Признайцє ше пред Богом слабима, крехкима людзми, — цо сцє и во истину — и теда аж почимає ше раховац гу божим людзєм, цо их Исус приводзи до царства небесного. Без покаяннн не мож зробиц

Дюра Провчи,

качмар у РУСКИМ КЕРЕСТУРЕ

на вельким шоре предава
КАРЧМУ И ДУТЯН
зос шицким инвентаром
за умерену цену.
Обявиц ше гу ньому.

Др. мед.

МИЛУТИН А. ГУБАШ

отворел ординацию у Н. Саду

Іоана Суботича улїца число 23.

ХОРИХ ПРИМА од 9—11 и од 2—4.

САНАТОРИУМ

Др. М. Милера у НОВИМ ВЕРБАСУ.

Приїма на ліченє хорих на нукашню, женску — або нервну хороту. Санаториум ма свою окремну личительну купель зос цеплу и жимну воду; зос пару, електрику и углену кваснїну. Ма и намулну (блатну) купель, дзе хори можу добиц и намулне пакованє. Окрем того хори ше ліча и зос Рендгенову машину.